

# Ժողովուրդ

179  
(3029)

21 դեկտեմբերի շաբաթ 2024  
տպագրության ԺՂ տարի

✉ ք. Երևան, Արմվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ԳԼԽԱՎՈՐ ՄԱՐԶԻՉԸ ԱՆՑԵԼ Է ՄԵԼԻՔԲԵԿՅԱՆԻ ԿՈՂՄԸ



«Առաջին հայկական ճակատ»-ի ՖԱՖ-ի եւ Հայաստանի ֆուտբոլի ֆեդերացիայի Ռուբեն Նազարեթյանը շուրջ ստեղծված իրավիճակը չի հանդարտվում:

ArmLur.am-ը տեղեկացավ, որ ֆուտբոլի ազգային հավաքականի մարզիչ Ռուբեն Նազարեթյանը օրեր առաջ վիճաբանություն է ունեցել ՖԱՖ-ի ներկայացուցիչների հետ, որի ժամանակ հնչել են նաեւ հայիտյանքներ: Մեր տեղեկություններով՝ պատճառն այն է եղել, որ ՖԱՖ-ի ներկայացուցիչները պահանջել են Հայաստանի ֆուտբոլի ֆեդերացիայի նախագահ Արմեն Մելիքբեկյանի հրաժարականը:

Վիճաբանությունը տեղի էր ունեցել ֆուտբոլի Հայաստանի Բարձրագույն խմբի առաջնության 2024-2025 մրցաշրջանում՝ նոյեմբերի 25-ին՝ «Երեւան ՖԱ»-ի եւ «Յուվենպորտի» միջեւ խաղից հետո:

Բանն այն է, որ գործող չեմպիոն «Երեւանը» այս մրցաշարում կրեց իր առաջին պարտությունը, որն էլ դարձել է կռվի պատճառ:

ArmLur.am-ի հետ զրույցում Ռուբեն Նազարեթյանը հերքեց տեղեկությունը՝ ասելով, որ ինքը հայ մարզու չի հայիտյում:

«Ես այս երկրի համար շատ բան արած մարդ եմ ու հայ մարդկանց չեմ հայիտյում, ես մենակ թուրքերին եմ հայիտյում, եթե մեջները թուրք եղել ա, միանշանակ կարող է հայիտյած լինեմ», - մեզ հետ զրույցում ասաց նա:

Ռուբեն Նազարեթյանը, բացի ՖԱՖ գլխավոր մարզիչ լինելուց, նաեւ մարզում է ֆուտբոլի «Երեւան» թիմին:

Հիշեցնենք, որ Ռուբեն Նազարեթյանը նախկինում ջերմ հարաբերություններ ուներ ՖԱՖ նախկին նախագահ Ռուբեն Հայրապետյանի հետ, սակայն նկատելի է, որ նա վերջին շրջանում, կարծես թե, անցել է Արմեն Մելիքբեկյանի կողմը եւ անմոռաց սատարում է ՖԱՖ ներկայիս նախագահին:

«Ժողովուրդ» օրաթերթի տեղեկություններով՝ ԱԺ արտահերթ նիստը, որը այս շաբաթ էր նախատեսված, չեղարկվել է: Օրակարգում պետք է լինեին «Պաշտպանության մասին» ՀՀ օրենքում փոփոխություններ եւ լրացում կատարելու մասին նախագիծը, ինչպես ArmLur.am-ը հայտնել էր՝ «Նախագծով Հայաստանում աշխարհագրորդ կլուծարվի, փոխարենը կգործեն տեղական պաշտպանության ուժեր»: Նախագիծը դեկտեմբերի 17-ին քննարկվել էր ԱԺ պաշտպանության եւ անվտանգության հարցերի հանձնաժողովում, այն պետք է քննարկվեր նաեւ արդեն ԱԺ արտահերթ նիստում՝ դեկտեմբերի 19-20-ին, սակայն չեղարկվեց: «Ժողովուրդ» օրաթերթի տեղեկություններով՝ պատճառն այն է, որ պատգամավորներն արդեն պատրաստվում են Ամանորին. նրանց մի մասը մարզերում է, մի մասն էլ երկրում չէ, ուստի որոշվեց նիստը չեղարկել: Օրենսդիրն աշխատանքը կվերսկսի 2025 թվականի հունվարից:



Ներքին գործերի նորանշանակ նախարար Արփինե Սարգսյանը լծվել է նախարարության կարիքների համար կատարվող գնումների կատարման գործընթացին: Նիկոլ Փաշինյանի «պաղավատապետության» ծառայողական մեքենաների կրճատումից հետո Արփինե Սարգսյանի ղեկավարած նախարարությունը չի խնայում կրճատված մեքենաների փոխարեն նոր մեքենաներ ձեռք բերել, սակայն ոչ ծառայողական: Ներքին գործերի նախարարությունը 3 մեքենա է ձեռք բերել՝ 1 հատի արժեքը 24 մլն դրամ, իսկ ընդհանուր արժեքով՝ 72 մլն դրամ արժողությամբ: Մեքենաները եղել են Mercedes մակնիշի «Սպրինտեր» 311CDI մոդելի:



Հիրավի հրաշքներ են կատարվում ՔՊ-ականների կյանքում: Չլինեի թավշյա իշխանափոխությունը՝ Աջափնյայի թաղապետ Սերոբ Սարգսյանը թերեւս առ այսօր աշխատեր որպես բուքմեյքերական կետի մասնագետ: Սակայն սույն հեղափոխականը ինտենսիվ տեմպերով բարելավում է իր կենսակերպը՝ հավանաբար Նիկոլ Փաշինյանի «Ապագա կա՛» կանխատեսումը գետնին չզցելու նկատառումով: Սարգսյանը, բացի նրանից, որ շատ արագ իր կնոջը (Ինեսա Հակոբյան) տեղավորում է Արաբկիրի թաղապետարանում աշխատանքի, ինքը նա սկսում է աշխատել պետական բազմաբնույթ հիմնարկներում՝ Աջափնյայի վարչական շրջան, Չարենցավանի հաստոցաշինական գործարան, Շրջակա միջավայրի նախարարություն, «Հայփոստ», այժմ՝ կրկին Աջափնյայի վարչական շրջան: Եվ ահա, Սերոբ Սարգսյանի հայտարարագրերի համաձայն՝ նա 2024 թվականին ձեռք է բերել «Շեվրոլե» մակնիշի մեքենա եւ բնակարանի ձեռքբերման գործարքներ է արել՝ 27.6 միլիոն դրամի շրջանակում: Եթե այլ երկրներում հեղափոխության մասնակիցները, իշխանության գալով, սկսել են վարել ավելի համեստ կյանք քան մինչ այդ՝ ՀՀ-ում առանց բացառության բոլոր ՔՊ-ականների կյանքը շեշտակի եւ օր օրի բարելավվում է: Բարեբախտաբար, ինքը ունի սկիզբ, ունի նաեւ ավարտ:



ՔԱՂԱՔԱԿԱՆ

ԶՐՈՒՅՑ

«ՆՈՍՏՐԱԳԱՄՈՒՄԸ ՉԵՍ, ՈՐ ԱՍԵՄ ԻՆՉ Է ՄՊԱՍՎՈՒՄ ՄԻՐԻԱՅԻ ՎԱՅԵՐԻՆ» Զ. ՄԻՆԱՆՅԱՆ

Մերձավոր արեւելքում դեռևս 15 տարի առաջ սկսված լարվածությունը նոր փուլ է մտել: «Արաբական գարուն» անվանումը ստացած աշխարհափոփոխական զարգացումների շրջանում իր ուրույն տեղն ունի Սիրիան, որտեղ դասերազմը կարելի է համարել «ավարտված»:



Որ տեղափոխվելով Լիբանանի մայրաքաղաք Բեյրութ: Ի վերջո ինչ է սպասվում հայ համայնքին:

Դեկտեմբերի 8-ի առավոտյան Դամասկոսն ընկավ իշխանությունը՝ հանձնելու Նախագահ Բաշար ալ Ասադի, Սիրիայի Պաշտպանության Նախարարի Ե. Արտաքին գործերի Նախարարի Ե. Նրանց ընտանիքների լքեցին մայրաքաղաք Դամասկոսն ու ապաստանեցին Ռուսաստանի Դաշնությունում:

Ինչպես հայտնի է Սիրիայում երկար տարիներ եղել է հայկական Սփյուռքի ամենակարեւոր եւ ամենամեծ համայնքներից մեկը, որը այս տարիների պատերազմի ընթացքում «մաշվել» է, իսկ հիմա՝ տարակուսած է: Հայերը չգիտեն ինչ իրավիճակ կլինի երկրում, ինչ վերաբերումը կլինի իրենց նկատմամբ եւ ինչ քաղաքականություն կվճարվի նոր իշխանությունը՝ հաշվի առնելով հատկապես այն փաստը, որ իշխանության են եկել մուսուլման ծայրահեղականները, որոնք մինչև դեկտեմբերի 8-ը համարվում էին ահաբեկիչներ բազմաթիվ երկրների կողմից:

Հայկական այս գաղթօջախին առնչվող իրավիճակի վերաբերյալ «Ժողովուրդ» օրաթերթը գրուցել է Սփյուռքի գործերի գլխավոր հանձնակատար Զարեհ Սինանյանի հետ՝ հասկանալու, թե ինչ ճակատագիր է սպասվում Սիրիայում ապրող հայ համայնքին, ինչու ԱԳՆ-ն քայլեր չի ձեռնարկում նրանց անվտանգ տարահանման համար:

«Պարոն Սինանյան, Սիրիայում ստեղծված իրավիճակի ֆոնին հայ համայնքից մեծացել է դժգոհությունն առ այն, որ դեսպանությունն իրենց հարցերին չի պատասխանում փոխարենը աշխատանքները տեղափոխելով Լիբանանի մայրաքաղաք Բեյրութ: Ի վերջո ինչ է սպասվում հայ համայնքին:

«Նախ պետք է նշեմ, որ արտաքին գործերի Նախարարության ներայացուցիչները, պայմանավորված ռազմական գործողությունների սրությամբ, տեղափոխվել էին Բեյրութ, սակայն վերադառնում են մշտական աշխատանքի վայր՝ Դամասկոս եւ կվերադառնան նաեւ Հալեպ: Այդ հարցը լուծվում է: Իսկ թե ինչ ճակատագիր է սպասվում մեր հայրենակիցներին: Այնպիսի հարց եք տալիս, որ դժվար է պատասխանել: Ես Նոստրադամուսը չեմ, որ ասեմ ինչ ճակատագիր է սպասվում Սիրիայի հայերին:

«Պարոն Սինանյան, խոսքը նրա մասին է, որ նրանց մոտ անորոշ իրավիճակ է եւ չգիտեն, թե ինչպես կազմակերպվեն:

«Այդ անորոշությունը շարունակական բնույթ է կրում, պարզապես էությունն է փոխվում: Երբ Նոյեմբերի 29-ին Հալեպը

ընկավ մեկ այլ անորոշություն էր, իսկ երբ արդեն Դամասկոսը ընկավ մեկ այլ ձեռնարկություն էր: Այսօր արդեն մեկ այլ անորոշություն է՝ ո՛չ թե անձնական անվտանգության հետ կապված, այլ երկարաժամկետ իմաստով մեր հայրենակիցները, ինչպես բոլոր սիրիացիները, ցանկանում են հասկանալ իրենց ինչ պագագ է սպասվում այդ երկրում, քանի որ երկրի այսօրվա կառավարիչները ինքնին միատարր չեն: Այնքան շատ անհատակություններով գործոններ կան:

«Խոսքը հայերի քայքայի մասին է. Օրինակ տարիներին հետ կապված անորոշության:

«Տարիներին պահանջ պետք է լինի Նախ, որը չկա: Նման պահանջ կար Հալեպի անկման հաջորդ օրը, Դամասկոսի անկում ու Հալեպի անկման միջանկյալ շրջանում, բայց այս պահին նման պահանջ չկա:

Զրուցեց ՔՐԻՍՏԻՆԱ ՍՈՒՇԵՂՅԱՆԸ

ԼՈՒՐԵՐ

ՀԱՐՑԸ ԲՊ ՆԻՍՏՈՒՄ ԵՆ ԸՆՆԱՐԿԵԼ

ԲՊ կուսակցությունը նախաձեռնող նիստ է արել:

Ինչպես նախորդ նիստին, այս շաբաթ եւս իշխանականները շարունակել են քննարկել բնապահպանական խնդիրները:

«Ժողովուրդ» օրաթերթը տեղեկացավ, որ հիմնականում մտահոգիչ վիճակ է Տավուշի մարզի Նոյեմբերյան համայնքում, որտեղ շատ լուրջ բնապահպանական խնդիրներ կան, մասնավորապես ծառերի հատման, ջրի եւ շրջակա միջավայրի աղտոտվածության հետ կապված: Սրա վերաբերյալ ԲՊ նիստին ծավալուն զեկույց է ունեցել Տավուշի մարզպետ Հայկ Ղալումյանը: Բնապահպանական խնդիրների վերաբերյալ ելույթներ են ունեցել նաեւ Ծրջակա միջավայրի նախարար Հակոբ Սիմոնյանը, ԲՊ-ական պատգամավոր Հայկ Սարգսյանը: Ավելի վաղ «Ժողովուրդ» օրաթերթը գրել էր, որ նախորդ շաբաթ ԲՊ նախաձեռնող խմբի նիստին իշխանականները մի լավ քննադատել են առողջապահության նախարար Անահիտ Ավանեսյանին եւ շրջակա միջավայրի նախարար Հակոբ Սիմոնյանին, վերջինիս իշխանականները քննադատել են անգործության համար, ինչպես նաեւ բնապահպանական խայտառակ իրավիճակի եւ անթույլատրելի չափով ծառերի հատման համար:

Բ. ՍՈՒՇԵՂՅԱՆ

ՀԱՅԱՍՏԱՆ-ԱԳՐԵՋԱՆ ՀԱՐԱՔԵՐՈՒԹՅՈՒՆՆԵՐԻ ՎԵՐԱԲԵՐՅԱԼ

Հայաստանի եւ Ադրբեջանի միջեւ խաղողության գործընթացը շարունակում է կենսական նշանակություն ունեցող ուղղություն մնալ Սիւրբայի Նահանգների գործող վարչակազմի եւ պետքարտուղարի համար, եւ Վաշինգտոնը կշարունակի աշխատել դրա վրա մինչև իր պաշտոնավարման վերջին օրը:

Այս մասին լրագրողների հետ ճեպագրույցի ընթացքում հայտարարել է ԱՄՆ պետքարտուղարության խոսնակի տեղակալ Վեդանտ Պատելը՝ անդրադառնալով Հայաստանի եւ Ադրբեջանի միջեւ հարաբերությունների կարգավորման շուրջ բանակցություններին եւ այդ գործում Վաշինգտոնի գործադրած ջանքերին:

Անդրադարձ կատարելով լրագրողի հարցին, թե ԱՄՆ-ն հիասթափված չէ արդյոք, որ հայ-ադրբեջանական կարգավորման գործում Վաշինգտոնի գործադրած ջանքերը դեռեւս արդյունք չեն գրանցել՝ Վեդանտ Պատելը ընդգծել է, որ ԱՄՆ-ն փորձում է չլեկտրոնանալ հիասթափությունների վրա եւ պարզապես փորձում է շարունակել այդ աշխատանքը:

Նրա խոսքով՝ ԱՄՆ պետքարտուղար Էլիթի Բլիքսթերը շատ անգամ է նշել, որ

ինչ-որ արդյունքի հասնելու համար աշխատանքային բարդ օրեր են սպասվում:

«Այդ հարցը շարունակում է կենսական նշանակություն ունեցող ուղղություն մնալ այս վարչակազմի եւ պետքարտուղարի համար, եւ մենք կշարունակենք աշխատել դրա վրա մինչև մեր պաշտոնավարման վերջին օրը»,- շեշտել է Վեդանտ Պատելը:

ԱՆՍԱԼՈՎ ՓԱՇԻՆՅԱՆԻ ՀԱՅՏԱՐԱՐՈՒԹՅԱՆԸ ՀՐԱԺԱՐՎՈՒՄ Է ԾԱՌԱՅՈՂԱԿԱՆ ԱՎՏՈՄԵԲԵՆԱՅԻՑ

Ախուրյան համայնքի ղեկավար Զավեն Մանուկյանը գրում է. «Ընդառաջ գնալով ՀՀ Վարչապետ Նիկոլ Փաշինյանի Կառավարության նիստում արված հայտարարությանը, որտեղ ասված է, որ ծառայողական ավտոմեքենաների կրճատման ուղղված որոշումը բոլոր համայնքներում պետք է կիրառվի, Ախուրյան համայնքի ավագանու այսօրվա նիստում հայտարարել են, որ հրաժարվում են ինձ հատկացված ծառայողական ավտոմեքենայից՝ օրինակ ծառայելով այլոց:

Առաջնահերթը հանրային շահն է»:



ԱՌՆԱԿ ԱՎԵՏԻՍՅԱՆԸ ՆՈՐ ՊԱՇՏՈՆ Է ՄՏԱՅԵԼ

Առնակ Ավետիսյանը վերանշանակվել է Պետական գույքի կառավարման կոմիտեի Նախագահի պաշտոնում: Այդ մասին տեղեկանում ենք ՀՀ վարչապետի ստորագրած որոշումից: «Ղեկավարվելով «Հանրային ծառայության մասին» օրենքի 6-րդ հոդվածի 3.1-ին մասով եւ 9-րդ հոդվածի 7-րդ մասով՝ Պետական գույքի կառավարման կոմիտեի Նախագահի ժամանակավոր պաշտոնակատար Առնակ Ավետիսյանին վերանշանակել պետական գույքի կառավարման կոմիտեի Նախագահի պաշտոնում»,- ասվում է որոշման մեջ:

ՏԿԵՆ ՏԵՂԱԿԱԼԸ ԱԶԱՏՎԵԼ Է ՊԱՇՏՈՆԻՑ

Նիկոլ Փաշինյանի որոշմամբ՝ Վաչե Տերտերյանն ազատվել է զբաղեցրած պաշտոնից:

«Ղեկավարվելով «Հանրային ծառայության մասին» Հայաստանի Հանրապետության օրենքի 9-րդ հոդվածի 1-ին մասով՝ Տարածքային կառավարման եւ ենթակառուցվածքների Նախարարի տեղակալի ժամանակավոր պաշտոնակատար Վաչե Տերտերյանին ազատել զբաղեցրած պաշտոնից»,- նշված է վարչապետի որոշման մեջ:

«ՄՈՐՍ ԿՈՐՑՐԵՑԻՆՔ» ԱՂԱԶԱՐՅԱՆԻ ՈՐԳԻՆ՝ ՄՈՐ ՄԱՀՎԱՆ ՄԱՍԻՆ

Պատգամավոր Հովհան Աղազարյանի որդին՝ Հովսեփ Աղազարյանը գրել է.

«Մորս կորցրեցինք... Մորս պլանային վիրահատությունը մեր ընտանիքի համար ճակատագրական էր:

Հոգեհանգիստը կկայանա վաղը՝ 21.12.2024թ.-ին, ժամը 17:00-ից, Այլթապ, Մասիսի խճուղի 2 հասցեում գործող «Alla Luce» սգո սրահում, հուղարկավորությունը՝ Նույն վայրից, 22.12.2024թ.-ին, ժամը 13:00-ին»:

«Ժողովուրդ» օրաթերթին ավելի վաղ հայտնի էր դարձել, որ Հովհան Աղազարյանի կինը մոտ 10 օր առաջ սրտի վիրահատություն է տարել, եւ վիճակը գնահատվում է ծանր:

ԲԱՔՈՒՆ ԿԱԼԱՆՔԻ ՏԱԿ ՊԱՀՎՈՂ 15 ԱՐՑԱԽՅՈՒՄԻ ՄԵՂԱԳՐՈՒՄ Է ԲՐԳՈՐԾԵՐՈՒՄ

Բաքվում ապօրինաբար կալանքի տակ պահվող Արցախի Հանրապետության Նախկին Նախագահներ Արկարի Ղուկասյանը, Արայիկ Հարությունյանը, Բակր Սահակյանը, Աժ Նախկին Նախագահ Դավիթ Իշխանյանը, ԱԳ Նախկին Նախարար Դավիթ Բաբայանը, գեներալներ Լեւոն Մառցականյանը, Դավիթ Մանուկյանը, ինչպես նաեւ Գարիկ Մարտիրոսյանը, Մելիքսեթ Փաշայանը, Դավիթ Ալավերդյանը, Գուրգեն Ստեփանյանը, Լեւոն Բալայանը, Մադաթ Բաբայանը, Վասիլի Բեգլարյանը, Էրիկ Ղազարյանը մեղադրվում են «ռազմական հանցագործություններ» վերաբերյալ գործի 2,548 դրվագով: Այս մասին հայտնում են ադրբեջանական լրատվամիջոցները:

ԻՐԱՎԻՃԱԿ

ԹԱԳՈՒՅԻ ԹՈՎԱՍԱՅԱՆԻ ԱՐՁԱԳԱՆՔԸ

«ՓԱՇԻՆՅԱՆԸ ՊԵՏՔ Է ԶԻՄՎՈՒՄ ՄԱՏՆՈՒԹՅԱՆ ՇԱՐՑՈՎ»

ՄԻՐԻԱՅՈՒՄ ԿԱ 2000 ԱՄԵՐԻԿԱՅԻ ԶԻՆԾԱՌԱՅՈՂ

ԱՄՆ-ն վերջերս ավելի քան կրկնապատկել է իր գործերի թիվը Սիրիայում: Այս մասին հաղորդել է Պենտագոնի խոսնակ Պատրիկ Ռայդերը:

«Մոտ 2000 ամերիկացի զինծառայող Սիրիայում է», - ասել է նա ԱՄՆ պաշտպանության նախարարությունում կայացած ճեպագրույցում:

Նախկինում հաղորդվում էր, որ Սիրիայում մոտ 900 ամերիկացի զինծառայող է տեղակայված: Ռայդերը հայտնել է, որ սա Սիրիայում պաշտոնապես տեղակայված գործերի թիվն է:

Ըստ Պենտագոնի խոսնակի՝ գործերի թվի աճը որոշ ժամանակ շարունակվում է, դրանք այնտեղ են «առնվազն մի քանի ամիս»:

Նա ընդգծել է, որ լրացուցիչ ուժերն աջակցում են «Իսլամական պետություն» ահաբեկչական խմբավորման դեմ պայքարի առաքելությանը և կապ չունեն Սիրիայում վերջին իրադարձությունների հետ:

Պենտագոնի խոսնակը բացատրել է, որ 900 հիմնական ամերիկացի զինվորականները գտնվում են երկրում 9-12 ամիս տեղաբնակված՝ պաշտոնական հանձնարարություններով, եւս 1100 զինվորական՝ ժամանակավոր հիմունքներով՝ 30-90 օր՝ «փոխվող առաքելության կարիքները բավարարելու համար»: Ընդ որում, լրացուցիչ զինվորականների մեծ մասը հատուկ ջոկատայիններ են:

Հարցին, թե ինչու պաշտպանության նախարարությունը նախկինում չէր հրապարակել թարմացված թվերը, Ռայդերն ասել է, որ ինքը դրանք մասին իմացել է միայն ղեկավարների 19-ին, եւ մեջքերով է «դիվանագիտական եւ օպերատիվ անվտանգության զգայունությունը»:

ԻՆՉՊԵՍ Է ՏԵՄԵՈՒՄ ՄԻՐԻԱՅԻ ՎԵՐԱԿԱՆՔՆՈՒՄԸ

Թուրքիայի նախագահ Ռեջեփ Թայիփ Էրդողանը Կահիրեում «Իսլամական ութնյակի» գագաթնաժողովի շրջանակում հանդիպում է ունեցել Իրանի նախագահ Մասուդ Փեզեշքիանի հետ, որտեղ նա հայտարարել է, որ Սիրիայի արագ վերականգնումը հնարավոր է միջազգային հանրության մասնակցությամբ: Այս մասին Թուրքիայի ղեկավարի վարչակազմը հայտարարել է բանակցությունների արդյունքներով:

«Նախագահ Էրդողանն ասել է, որ Թուրքիան ցանկանում է տեսնել Սիրիան որպես մի երկիր, որտեղ տիրում է կայունությունն ու անվտանգությունը, արմատախիլ է արվել ահաբեկչությունը, որտեղ փախստականները վերադառնում են կամավոր: Նա կշռել է Սիրիայի տարածքային ամբողջականության եւ միասնության պահպանման անհրաժեշտությունը՝ ընդգծելով, որ Սիրիայում կայունացումը կծառայի որոշ տարածաշրջանի կայունությանը եւ անվտանգությանը, եւ դրա արագ վերականգնումը կարող է ապահովել տարածաշրջանային եւ միջազգային բոլոր խաղաղության մասնակցությամբ», - նշվում է հաղորդագրության մեջ:

Իր իրանցի գործընկերոջ հետ հանդիպմանը Էրդողանը նաեւ ասել է, որ Անկարայի եւ Թեհրանի հարաբերությունները «տարածաշրջանային կայունության հիմքն են», եւ կողմերը ներդրում են երկրորդ ասպարեզաշրջանառությունը տարեկան 30 միլիարդ դոլարի հասցնելու:

Ամ մարդու իրավունքների դաժնացումը եւ հանրային հարցերի մեծական հանձնաժողովի՝ աղօթինաբար լիազորությունները դադարեցված մախազահ, անկուսակցական դաժնամար Թագուհի Թովմասյանը գրում է.

«Դիմել եմ ՀՀ վարչապետ Նիկոլ Փաշինյանին, որպեսզի հանձնարարի իրավապահներին զբաղվել իմ մասին սուտ մատուցումը կատարած, կառավարության աշխատակազմի ղեկավարի տեղակալ, Տարոն Չախոյանի հայտարարություններով:

Հիշեցնեմ, որ նախօրեին իմ միջազգային գործընկերներին ուղարկել էի գրություններ՝ Հովիկ Աղազարյանի անձնական տվյալների պաշտպանության խախտումների մտահոգիչ փաստերի վերաբերյալ: Ներկայացրել էի ինչպես ներպետական օրենսդրությունը, այնպես էլ՝ միջազգային իրավունքի նորմեր, որոնք արգելում են մարդու անձնական գրագրության հանրայնացումը: Նաեւ շեշտել էի գրության մեջ, որ վարչապետի աշխատակազմի ղեկավարի տեղակալ Տարոն Չախոյանի հետ փոխկապակցված կայքերը պատգամավոր Հովիկ Աղազարյանի սեռական կողմնորոշման մասին թիրախավորված հոդվածներ են գրել:

Իմ հանրային քաղաքական գործունեության արդյունքում՝ այդ գրություններից հետո, ես հայտնվել եմ Կառավարության աշխատակազմի ղեկավարի տեղակալ Տարոն Չախոյանի թիրախում: Նա իր սոցցանցի էջում եւ իրեն փոխկապակցված կայքերում թույլ է տվել ոչ միայն վիրավորական ու անպատասխանատու գնահատականներ իմ անձի վերաբերյալ, այլեւ՝ տարածել է բացարձակ սուտ պատմություն, թե իբր տարիներ առաջ ես ապօրինի ծայնագրել եմ ինչ-որ նիստի ընթացքում Փաշինյանի խոսքերը եւ դա փոխանցել Սերժ Սարգսյանին: Ու բացի այդ, պարբերաբար ինֆորմացիոն արտահոսքեր են արել ԶՊ նիստերից:

Քանի որ ներկայացվածը ոչ միայն քաղաքացիաիրավական հարց է, այլ նաեւ քրեաիրավական գնահատականի անհրաժեշտություն կա, ապա ՊԱՅԱՆՋԵԼ ԵՄ ՆԻԿՈԼ ՓԱՇԻՆՅԱՆԻՑ ՀԱՆՁՆԱՐԱՐԵԼ Իրավապահ մարմիններին՝



- պարզելու, թե Սերժ Սարգսյանին փոխանցված ծայնագրությունը ո՞վ կամ ովքե՞ր, ե՞րբ եւ ի՞նչ պայմաններում են արել,
- ո՞վ կամ ովքե՞ր են մասնակցել այդ օրվա հանդիպմանը, ինչպե՞ս են ծայնագրել եւ ինչպե՞ս են փոխանցել Սերժ Սարգսյանին,
- Տարոն Չախոյանից պահանջել ներկայացնել իր հայտարարությունը ապացուցող փաստեր, չնեղակայացնելու դեպքում ՊԱՅԱՆՋԵԼ հարուցել նոր վարույթ՝ նրա նկատմամբ՝ սուտ մատուցության հատկանիշներով:
- Պարզել թե ես ԶՊ ո՞ր նիստին եմ մասնակցել, ի՞նչ արտահոսք եմ կազմակերպել: Եվ եթե կրկին նա չի կարողանա ներկայացնել ապացույցներ, որ արտահոսք եմ արել, ապա սուտ մատուցության վարույթի շրջանակներում դիտարկել նրան պատասխանատվության ենթարկելու հարցը: ՏԵՂԵԿԱՑՆԵՄ, որ՝
- Տարոն Չախոյանի կողմից հիշատակված ապօրինի ծայնագրության օրվա հանդիպմանը ես չեմ մասնակցել, հետեւաբար չեի կարող ծայնագրել (թեեւ ինձ

համար ընդհանրապես մերժելի է գաղտնի ծայնագրություններ անելը)

● ԶՊ («Իմ քայլը») խմբակցության նիստերին 2019-ից սկսած 2 տարի չեմ մասնակցել՝ արտահոսքերի մեղադրանքներից խուսափելու համար: Հետեւաբար չեի կարող արտահոսք անել միջոցառումներից, որոնց չեմ մասնակցել:

Ակնկալում եմ Նիկոլ Փաշինյանի արագ արձագանքը, քանի որ այն անմիջականորեն կապ ունի Կառավարության աշխատակազմի ղեկավարի տեղակալի հետ, ով ինձ թիրախավորում է իմ քաղաքական եւ իրավապաշտպան գործունեության համար:

Ապօրինի ծայնագրություն կատարելը համարվում է օրինախախտում, եւ դրա իրականացնողը պետք է պատասխանատվության ենթարկվի: Իսկ եթե նման ծայնագրության մասին սուտ մատուցություն է կատարվում որեւէ մեկի՝ այդ թվում նաեւ պետական պաշտոնիայի կողմից, նա նույնպես պետք է պատասխանատվություն կրի:

Տարոն Չախոյանը ստախոս է»:

ՕՐՎԱ ՆՈՐ ՈՐՈՇՈՒՄ

Կառավարությունն ընդունել է որոշում՝ 2020 թ. հայտարարված ռազմական դրության եւ գործադադարի շրջանակում ռազմատարանսպորտային պարտականություն ունեցող մարմիններից ներգրավված տրանսպորտային միջոցներին հասցված կյուբակազմի վնասի դիմաց այդ տրանսպորտային միջոցների սեփականատերերը հանդիսացող ֆիզիկական եւ իրավաբանական անձանց համարժեք փոխհատուցում տրամադրելու անհրաժեշտությամբ պայմանավորված:

Որոշմամբ հաստատվում են ռազմական դրության եւ գործադադարի շրջանակներում ռազմատրանսպորտային պարտականություն ունեցող մարմիններից ներգրավված տրանսպորտային միջոցներին հասցված կյուբակազմի վնասի դիմաց այդ տրանսպորտային միջոցների սեփականատերերը հանդիսացող թվով 3 ֆիզիկական եւ իրավաբանական անձանց տրամադրվող փոխհատուցումների չափերը, նախատեսվում է անհրաժեշտ գումարը ՀՀ կառավարության պահուստային ֆոնդից ՀՀ պաշտպանության նախարարությանը հատկացումը:

ՆՈՐԱՆՇԱՆԱԿ ՄԱՐԶՊԵՏԸ

ՀՀ տարածքային կառավարման եւ ենթակառուցվածքների նախարար Դավիթ Խուդոբյանը Շիրակի մարզպետի աշխատակազմին, համայնքների ղեկավարներին ու ուժային կառույցների ներկայացուցիչներին ներկայացրեց տրանսպորտային մարզպետ Դավիթ Առուշանյանին: Նախարարը շնորհակալություն հայտնեց նախկին մարզպետ Մուշեղ Մուրադյանին այս ընթացքում կատարած աշխատանքի համար եւ հաջողություններ մաղթեց հետագա աշխատանքում:

«Այստեղ եմ նաեւ շնորհակալություն հայտնելու պարոն Մուրադյանին՝ վերջին երկու տարում որպես մարզպետ կատարած մեծածավալ աշխատանքի եւ այն ներդրման համար, որ ինքն ունեցել է Շիրակի մարզի զարգացման գործում: Մենք

պարոն Մուրադյանի հետ թիմակիցներ ենք ու այս ընթացքում մեծ ծավալի աշխատանքներ ենք իրականացրել եւ վստահ եմ, որ պարոն Մուրադյանն իր ներուժը կշարունակի օգտագործել այն բնագավառում, որտեղ կորոշի, որ այդ ներուժի կարիքը կա»:

Նախարարը շնորհակալություն հայտնեց նախկին մարզպետի պաշտոնի ստանձնման կապակցությամբ՝ վստահություն հայտնելով, որ կարճ ժամանակում նա կկարողանա լուծել այն խնդիրները, որոնք դրվել են ՀՀ կառավարության եւ Շիրակի մարզի առջեւ:

«Մեծ ծավալի աշխատանք կա անելու եւ վստահ եմ, որ պարոն Առուշանյանն իր բոլոր ջանքերը գործադրելու է այդ աշխատանքները կյանքի կոչելու համար: Վստահ եմ, որ մարզպետի աշխատակազմն ու համայնքների ղեկավարները կօգնեն իրականացնել այն աշխատանքը, որ դրված է ՀՀ կառավարության ու Շիրակի մարզի առջեւ», - հավելեց ՀՀ տարածքային կառավարման եւ ենթակառուցվածքների նախարար Դավիթ Խուդոբյանը:

ՈՐՈՇՈՒՄ

ՍՈՒՐԻԿ ԽԱՉԱՏՐՅԱՆԻ ՈՐԻՒՆ ԿԱԼԱՆՔԻՑ ԱԶԱՏՎԵՑ

«Ժողովուրդ» օրաթերթին հայցնի դարձավ, որ Սյունիքի նախկին մարզպետ Սուրիկ Խաչատրյանի որդու՝ Տիգրան Խաչատրյանի նկատմամբ կիրառված կալանքը փոխվեց այլընտրանքային խափանման միջոցով:

Հիշեցնենք, թե ինչի համար է նա կալանավորված եւ ինչի համար է մեղադրվում:

Ավարտվել է Գորիս քաղաքում Տ.Խաչատրյանի կողմից հրազենի գործարմամբ խուլիգանություն կատարելու եւ խուլիգանական դրդումներով մեկ անձի մարմնական վնասվածք հասցնելու դեպքի առթիվ ՀՀ ՔԿ Սյունիքի մարզային քննչական վարչությունում նախաձեռնված քրեական վարույթի նախաքննությունը:

ՀՀ քննչական կոմիտեն ավելի վաղ տեղեկացրել էր, որ 2023թ. հունիսի 19-ին՝ ժամը 20:30-ի սահմաններում, Տ.Խաչատրյանն իրեն պատկանող Mercedes-Benz մակնիշի ավտոմեքենայով, երկու մտերիմների հետ, գնացել է Գորիս քաղաքում գործող ավտոտեխսպասարկման կենտրոնի մինչ այդ ավտոմեքենայի համար անվադողեր գնելու հարցի շուրջ հեռախոսային խոսակցության ընթացքում ծագած վիճաբանության կապակցությամբ պարզաբանումներ կատարելու նպատակով:

Անվադողերի վաճառքով զբաղվող, Գորիս քաղաքի 46-ամյա բնակիչի հետ պարզաբանումներ կատարելու ընթացքում, չնչին առիթն օգտագործելով, իր սեփական անձի առավելություններն ընդգծելու եւ այդ կերպ հանդուգն վարքագիծ դրսևորելու մոլուցքով տարված, խուլիգանական դրդումներով, նա վիճաբանություն էր հրահրել ավտոտեխսպասարկման կենտրոնի աշխատակիցների հետ, նրանց հասցեին հնչեցրել սեռական բնույթի հայտնայքներ: Այնուհետեւ, համակցության կանոնների ցուցադրաբար անտեսմամբ, ավտոտեխսպասարկման կենտրոնի հարեանությունները գտնվող քաղաքացիների, թաղամասի բնակիչների, սպասարկման կետերի անդորրը խախտելով, իր մոտ ապօրինի կրած հրազենով կրակոց էր արձակել 46-ամյա տղամարդու ուղղությամբ՝ վերջինիս պատճառելով առողջության միջին ծանրության վնասի հատկանիշներ պարունակող մարմնական վնասվածք եւ հեռացել դեպքի վայրից՝ թաքնվելով նաեւ քննությունից:



Վերջինս հետագայում հայտնաբերվել էր Երեւան քաղաքում եւ ներկայացվել վարույթի իրականացնող մարմնին:

Ձեռք բերված բավարար փաստերի հիման վրա Տ. Խաչատրյանին վերջնական մեղադրանք էր ներկայացվել ՀՀ քրեական օրենսգրքի 335-րդ հոդվածի 1-ին մասով, 167-րդ հոդվածի 2-րդ մասի 6-րդ, 8-րդ եւ 12-րդ կետերով, 297-րդ հոդվածի 3-րդ մասով: Քննիչը միջնորդություն էր ներկայացրել դատարան՝ հաստատելու վերջինիս նկատմամբ որպես խափանման միջոց ընտրված կալանքը, ինչը դատարանի որոշմամբ բավարարվել էր, եւ Տ. Խաչատրյանը կալանավորվել էր:

Վարույթի նյութերն ուղարկվել են հսկողություն իրականացնող դատախազին՝ մեղադրական եզրակացությունը հաստատելու եւ դատարան ուղարկելու համար:

Հավելենք նաեւ, որ վարույթով տուժող, Գորիս քաղաքի 46-ամյա բնակիչը, զգուշացված լինելով ՀՀ քրեական դատավարության օրենսգրքի 50-րդ հոդվածի 3-րդ մասի 2-րդ կետով սահմանված՝ ցուցմունք տալու, ինչպես նաեւ 218-րդ հոդվածի 3-րդ մասով սահմանված՝ հարցերին ճշմարտացի պատասխանելու պարտականություն ունենալու մասին, չհանդիսանալով իր, ամուսնու, մերձավոր ազգականների վերաբերյալ ցուցմունք տալու պարտականություն չունեցող անձ, ապօրինի հրաժարվել է Տ.Խաչատրյանի կողմից կատարված միջին ծանրության եւ ծանր հանցագործությունների դեպքերի առնչությամբ իրեն հայտնի հանգամանքների մասին ցուցմունք տալ: Նշված փաստի առթիվ նախաձեռնված առանձին վարույթի շրջանակներում որոշում է կայացվել՝ 46-ամյա անձի նկատմամբ հանրային քրեական հետապնդում հարուցել՝ ՀՀ քրեական օրենսգրքի 503-րդ հոդվածի 2-րդ մասի 2-րդ կետով, եւ նրան ներկայացվել է մեղադրանք:

ՔՆՍՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ԶՈՂՎԱԾ ԶԻՆԾԱՌԱՅՈՂԻ ԾՆՈՂԻՑ ՓՈՂ Է ՀԱՓՇՏԱԿԵԼ

հափշտակել է խոշոր չափերի գումար՝ շիրմաքարեր պատրաստելու պատրվակով

2024 թվականի դեկտեմբերի 7-ին Քննչական կոմիտեի Շենգավիթ վարչական շրջանի քննչական բաժնում նախաձեռնված քրեական վարույթով առերեսությամբ փաստական տվյալներ են ձեռք բերվել, որ Ա.Ն.-ն զոհված զինծառայող եղբայրների գերեզմանների շիրմաքարերը պատրաստելու պատրվակով խոշոր չափերի՝ շուրջ 4 մլն 807 հզր ՀՀ դրամ է հափշտակել վերջիններիս ծնողից, իսկ հետագայում տարբեր պատրվակներով հրաժարվել է վերադարձնել գումարը:

2024 թվականի դեկտեմբերի 9-ին հսկող դատախազը Ա.Ն.-ի նկատմամբ հարուցել է հանրային քրեական հետապնդում՝ Քրեական օրենսգրքի 255-րդ հոդվածի 2-րդ մասի 3-րդ կետով (խոշոր չափերով խարդախությունը):

Նախաքննությունը շարունակվում է, ձեռնարկվում են անհրաժեշտ գործողություններ՝ դեպքի հանգամանքներն ամբողջությամբ բացահայտելու, Ա.Ն.-ի կողմից այլ հանցավոր դրսևորումներ կատարված լինելու հնարավոր վարկածը ստուգելու ուղղությամբ:

ՕՊԵՐԱՏԻՎ ԻՐԱՎԻՃԱԿ

Ըստ ոստիկանության օպերատիվ հարորդագրությունների ամփոփագրերի՝ դեկտեմբերի 18-19-ը ՆԳՆ ոստիկանության ստորաբաժանումները բացահայտել են հանցագործության 114 դեպք:

Նախկինում կատարված հանցագործություններից բացահայտվել է անձնական ունեցվածքի գողության՝ 3, բնակարանային գողության՝ 1 դեպք:

Հայտնաբերվել է 8 հետախուզվող, կամավոր ներկայացվել 1-ը:

Հայտնաբերվել է 1 անհետ կորած:

Գրանցվել է զենք-զինամթերքի կամավոր հանձնման 2 դեպք:

ԲԱՑ ՆԱՄԱԿ՝ ԲԱՆՏԻՑ

ՀՀ «Արմավիր» քրեակատարողական հիմնարկի կալանավոր Վանիկ Դանիելյանը «Ժողովուրդ» օրաթերթի խմբագրությունն դիմում-խնդրանքով է դիմել:

«Ես գտնվում եմ հոգեկան լարված վիճակի մեջ, իմ այստեղ գտնվելու պատճառով իմ կարողից տան 7 տարեկան երեխան հոգեկան վիճակի մեջ է, երեխուն հոգեբուժի եւ հոգեբանի մոտ են տանում: Ուստի ես օրվա մեջ մի քանի անգամ պիտի զանգեմ լսեմ: Ես զանգի համար նույնիսկ ինքնասպանության կզնամ: Սահմանված գարֆիկի իմ 20 րոպե են օգտագործում եմ օրվա մեջ 2-3 անգամ 6 րոպեով: Ու այժմ գրաֆիկով չեն թողնում այսպես, ոչ մի խնդիր դե իմ կյանքի առողջության համար ես հիմնարկնա պատասխան տալու»:

ԲՐԻՆ ՆԱԽԿԻՆ ՆԱԽԱԳԱՅԻ ԳՈՐԾԸ ՀԱՍԱՎ ՎԵՐՋՆԱԿԵՏԻ

ՄՊԱՍՎՈՒՄ Է ՌՈՒԲԵՆ ՎԱՐՊԱԶԱՐՅԱՆԻ ՎԵՐՋԻՆ ԽՈՍՔԸ

«Ժողովուրդ» օրաթերթը գրել էր, որ ԲԴԽ նախկին նախագահ Ռուբեն Վարդապետյանի գործը հակակոռուպցիոն դասարանի վերջնական փուլում է. առաջիկայում ճառով հանդես է գալու մեղադրող դասախազը:

«Ժողովուրդ» օրաթերթին հասած տեղեկությունների համաձայն՝ Ռուբեն Վարդապետյանը միջնորդություն է ներկայացրել դատարան՝ հարցաքննության հրավիրելու ԲԴԽ նախկին նախագահ Գագիկ Զհանգիրյանին, նախկին Գլխավոր դատախազ Արթուր Դավթյանին եւ այլ անձանց, սակայն դատարանը մերժել է՝ պատճառաբանելով, թե նրանք մեղադրանքի հետ կապ չունեն:

Հիշեցնենք, որ Ռուբեն Վարդապետյանը մեղադրվում է արդարադատության իրականացմանը խոչընդոտելու համար: Վարդապետյանը, ըստ մեղադրանքի, 2019 թվականի հուլիսի 19-ից զբաղեցնելով ԲԴԽ նախագահի պաշտոնը, հանդիսանալով դատական իշխանության մարմնի ղեկավար աշխատող, միջամտել է Լոռու մարզի ընդհանուր իրավասության դատարանի դատավոր Անդրանիկ Սիմոնյանի կողմից արդարադատության իրականացմանը: Ըստ Սիմոնյանի հարցուման՝ Վարդապետյանը «այլվերոցի Վահագն» անունով հայտնի Վահագն Աբգարյանի գործով է իրեն դիմել: Աբգարյանը մեղադրվում է Ալավերդու բնակիչ Կամո Փիրուզյանի սպանությունը կազմակերպելու, ինչպես նաեւ սպանության գործով իր օգտին գործողություններ կատարելու եւ կաշառք տալու համար. գործով առկա է նաեւ ձայնագրություն:

Ըստ մեղադրանքի՝ Ռուբեն Վարդապետյանը Signal հավելվածի միջոցով կապ է հաստատել Անդրանիկ Սիմոնյանի հետ եւ վերջինիցս պահանջել (խնդրանքի եղանակով) փոխել Աբգարյանի խափանման միջոցը՝ կալանավորումը: Վարդապետյանն իրեն առաջադրված մեղադրանքը չի ընդունում:

Հիշեցնենք, որ խոսքը նույն Անդրանիկ Սիմոնյանի մասին է, որը այս գործից հետո նոր պաշտոն ստացավ՝ դառնալով ՀՀ ԿԱ ԱԸԾ տնօրենի տեղակալ:

Ք. ՄԱՆՈՒԿՅԱՆ

● Ըստ ոստիկանության տվյալների՝ դեկտեմբերի 19-ից 20-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 119 դեպք, որից 6-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ԳԻԼԻՋԱՆՈՒՄ ԶՄԵՌՆ ԱՍՖԱԼՏԱՊԱՏՈՒՄ ԵՆ ՄԿՍԵԼ ԾԱՌԵՐԸ ՈՉՆՉԱՅՆՈՒՄ ԵՆ

Դեկտեմբերի կեսին Դիլիջանի համայնքապետարանը քաղաքի Գետափնյա փողոցի ասֆալտապատման եւ մայրերի հիմնանորոգման սուբվենցիոն ծրագիրն է սկսել, որի արժեքը պետական բյուջեի եւ համայնքի համաֆինանսավորումը ավելի քան 894 միլիոն դրամ է: Համայնքապետարանը հայտնում է, որ ի թիվս այլ աշխատանքների, փողոցի հին, հիվանդ ծառերը կփոխարինվեն նորերով: Դիլիջանի բնակիչները լրագրողի բողոքել են, որ Գետափնյա փողոցի առողջ, հաստաբուն ծառերը ոչնչացնում են:

ԿԻՐԱՆՑԻ ԳՊՐՈՑԻ ՇԵՆՔԸ

Նոյեմբերի 24-ին Կիրանց գուղում մառախլապատ, ցուրտ եղանակ էր, նորակառույց դպրոցում ջեռուցման համակարգը չէր գործում, աշակերտները մրսում էին: 2024թ. սեպտեմբերի 1-ին շահագործման հանձնված, սահման հանդիսացող պատից մոտ 30 մետր հեռավորությամբ գտնվող ջեռուցման էլեկտրական մարտկոցներով: Սակայն դպրոցի ջեռուցման համակարգը չէր գործում, քանի որ նախկինում դպրոցը էլեկտրական հոսանք է ստացել Կիրանց գյուղից: Կիրանցի դպրոցում տեղադրված է արեւային կայան, որը պետք է թեթեւացներ դպրոցի ջեռուցման համար օգտագործվելիք էլեկտրականության ծախսը: Սակայն արեւային կայանը չէր գործարկվում էլեկտրական էռաֆազ հոսանքի գծի բացակայության պատճառով: Կիրանցի բնակիչները հայտնեցին, որ նոյեմբերի 25-ին էներգետիկները Կիրանցի դպրոց էռաֆազ հոսանքի գիծ էին անցկացնում: Դպրոցի ջեռուցման շահագործման հանձնելուց անցել էր գրեթե 3 ամիս, ինչո՞ւ այդ ընթացքում Կիրանցի դպրոց հոսանքի գիծ չէին անցկացրել: Դեկտեմբերի 4-ին Տավուշի մարզպետ Հայկ Ղալումյանին տեղեկատվական հարցում ենք ուղարկել՝ նրան հարցնելով. «որ կազմակերպությունն է իրականացրել Կիրանցի դպրոցի նոր ջեռուցման շինարարությունը, ե՞րբ է ստորագրվել ջեռուցման կառուցման ավարտական ակտը, ինչո՞ւ նոյեմբերի 24-ի դրությամբ այդ դպրոցի ջեռուցման ջեռուցման համակարգը գործարկված չէր»: Մարզպետարանից ստացված պատասխանում նշված է. «Տավուշի մարզի Իջեան համայնքի Կիրանց բնակավայրի դպրոցի կառուցման պատվիրատուն հանդիսանում է ՀՀ քաղաքաշինության կոմիտեն: Դպրոցը ջեռուցվում է»: Տավուշի մարզպետը չգիտի, թե որ կազմակերպությունն է կառուցել Կիրանցի դպրոցի ջեռուցման, Տավուշի մարզպետարանը, որի ենթակայությամբ է գործում Կիրանցի հիմնական դպրոցը, ինչո՞ւ չի վերահսկել, որ այդ դպրոցում ջեռուցման համակարգը նոր ուսումնական տարվա սկզբին, նորակառույց ջեռուցման շահագործման հանձնելու ժամանակ, պատրաստ լիներ:

ՈՍԿԱՆ ՍԱՐԳՍՅԱՆ  
Տավուշ

ԵՐԵՎԱՆՈՒՄ ՊԵՏՔ Է ՇՐՋԵԼ ԿԱՄ ՀԱԿԱԳԱՋՈՎ ԿԱՄ ԴԻՍԱԿՈՎ

ՕՂԻ ԱՂՏՈՒՎԱԾՈՒԹՅԱՆ ՄԱԿԱՐԴԱԿԸ ԲԱՐՁՐԱՑԵԼ Է

Երեւանում ղեկ է օրջել կամ հակազուգուր կամ ֆոլիոյան ժամանակների դիմակով:

Թվացյալ գեղեցիկ մառախուղը, որ կապում ենք եղանակի հետ եւ հիանում ենք, ոչ թե մառախուղ է, այլ փոշու եւ կեղտի վտանգավոր ամպ:

Երեւանում օդի աղտոտվածությունը վերջին շրջանում դարձել է լուրջ խնդիր՝ գերազանցելով Առողջապահության համաշխարհային կազմակերպության (ԱՀԿ) սահմանած նորմերը: Մասնավորապես, օդի աղտոտվածության ինդեքսը, որը նորմայում պետք է չգերազանցի 50-ը, վերջին օրերին հասել է մինչեւ 430-ի, ինչը 5-7 անգամ գերազանցում է ԱՀԿ չափանիշները:

Օդի աղտոտվածության հիմնական պատճառներն են շինարարական աշխատանքները, տրանսպորտային միջոցների արտանետումները, ինչպես նաեւ ջեռուցման նպատակով վառելիքի այրումը: Ձմռան ամիսներին, երբ քամիները նվազում են եւ մառախուղը հաճախանում է, օդի աղտոտվածությունը հատկապես սրվում է:

Օդի բարձր աղտոտվածությունը կարող է առաջացնել առողջական լուրջ խնդիրներ, այդ թվում՝ շնչառական համակարգի հիվանդություններ, սրտի եւ ուղեղի կաթվածներ, ինչպես նաեւ թոքի քաղցկեղ:

Երեւանի քաղաքապետարանը ձեռնարկում է միջոցառումներ օդի որակի բարելավման ուղղությամբ, սակայն դրանք մինչ այսօր չեն ունեցել զգալի արդյունք: Մասնավորապես, տեղադրվել են օդի որակի դիտարկման 151 սարքավորումներ քաղաքի տարբեր հատվածներում աղտոտվածության մակարդակը վերահսկելու համար: Սակայն հարկ է նշել, որ վերահսկումը դեռ խնդրի լուծում չէ:

Բացի սա, քաղաքապետարանը նախատեսում է մշակել քառամյա պլան՝ օդի աղտոտվածության նվազեցման համար, որը ներառում է կանաչապատ-



ման ծրագրեր, նոր ջրային ավազանների կառուցում, ինչպես նաեւ հին ավտոմեքենաների շահագործման սահմանափակումներ: Այս ամենը թղթի վրա է, եւ գործնականում մի քանի լաբորատոր հետազոտությունից բացի ոչինչ չի արվել: Երեւանի պետ փոքր քաղաքի համար, սա ոչ թե սովորական երեւոյթ է, այլ աղետ է բնապահպանության եւ մարդ-

կության համար, որի սպառնալիքներն ավելի մեծ են:

Խորհուրդ է տրվում օդի աղտոտվածության բարձր մակարդակի դեպքում հնարավորինս մնալ փակ տարածքներում, փակել պատուհանները, իսկ դրսում գտնվելու դեպքում՝ կրել դիմակներ եւ հաճախ լվանալ ձեռքերը եւ դեմքը:

ԷՄՄԱ ՄԻՔԱՅԵԼՅԱՆ

ԼՈՒՐԵՐ

ԳԵԿՏԵՄԲԵՐԻ 20-ԻՑ Armenian Airlines-Ը ՎԵՐՍԿՍՈՒՄ Է ԶՎԵՐԹՆԵՐԸ ՄԱՀՄԱՆՎԱԾ ԶՎԱՑՈՒՑԱԿՈՎ

Armenian Airlines-ը դեկտեմբերի 20-ից վերսկսում է չվերթները: Նոր, թարմացված չվացուցակը եւ տոմսերի ամրագրումները հասանելի են ավիաընկերության պաշտոնական կայքում եւ զբոսաշրջային գործակալություններում: Երեւան - Մոսկվա, դեկտեմբերի 20-ից ամեն օր. Երեւան - Սոչի, դեկտեմբերի 20-ից ամեն երեքշաբթի, հինգշաբթի, ուրբաթ, շաբաթ եւ կիրակի օրերին. Երեւան - Կազան, դեկտեմբերի 20-ից ուրբաթ օրերին. Երեւան - Միներալնիե Վոդի, դեկտեմբերի 21-ից՝ ամեն օր, բացի ուրբաթ եւ կիրակի օրերից.

Երեւան - Վոլգոգրադ, դեկտեմբերի 22-ից՝ կիրակի օրերին, Երեւան - Ուֆա, դեկտեմբերի 25-ից՝ չորեքշաբթի օրերին:

«ԿՈՆՎԵՐՍ» ԲԱՆԿ ԱՐԳՅՈՒՆՔՆԵՐԻ ԱՄՓՈՓՈՒՄ

Կոնվերս Բանկում ամփոփել են C360 Neo, C360 Ultra եւ C360 Elite փաթեթների ներքո Visa քարտ ունեցող հաճախորդների համար իրականացված արձալի արդյունքները: Դեկտեմբերի 18-ին գլխավոր մրցանակակիրն են հանձնվել BYD Seagull էլեկտրամոբիլի բանալիները: 2-11-րդ մրցանակակիրներին են փոխանցվել 360 ԱՄՆ դոլարին համարժեք դրամային մրցանակները: «Գոհունակությամբ փաստում ենք մրցույթի նկատմամբ հետաքրքրության եւ

աշխարհագրական լայն ծածկույթի մասին. հաղթողների թվում են ոչ միայն մասնակիցներ Երեւանից, այլեւ մարզերից՝ Շիրակից, Տավուշից, Կոտայքից, Արմավիրից ու Արագածոտնից... Շնորհավորում ենք արձալի հաղթողներին: Բանկի հաճախորդներին հորդորում ենք լինել ակտիվ, հետեւել նորություններին եւ Converse Mobile-ը դարձնել ֆինանսական գործառնությունների հիմնական հարթակը: Հավելվածի օգտատերերի համար արձալներն ու մրցույթները պարբերական են լինելու: Եվ 360-ը կդառնա Ձեր հաջողության թիվը նաեւ 2025թ. համար:», - ասել են Բանկում:

Հիշեցնենք, որ արձալի շրջանակում Կոնվերս Բանկն իր C360 փաթեթների ներքո Visa քարտ ունեցող հաճախորդներին էր առաջարկել 23.09.2024-23.11.2024թթ կատարել ընդհանուր առկազն 30,000 ՀՀ դրամի գործարք կամ գործարքներ: Արժեքավոր նվերներ էին նախատեսված արձալի պահանջներին համապատասխանող յուրաքանչյուր 360-րդ հաճախորդի համար:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 16 պատահար. 22 մարդ ստացել է տարբեր աստիճանի մարմնական վնասվածքներ:



ՄՇԱԿՈՒՅԹ

ՆՈՐ ՆՈՐՔ ՎԱՐՉԱԿԱՆ ՇՐՋԱՆ

9 ՄԼՆ ԴՐԱՄ՝ ԱՄԱՆՈՐՅԱ ԶԱՐԴԱՐԱՆՔՆԵՐԻ ՀԱՄԱՐ

Երեւանի քաղաքապետարանը ամանորյա եռուզեռի եւ նախադասարանական աշխատանքների մեջ է: Տարբեր վարչական օրջաններ արդեն իսկ դասարանում են ամանորյա տոնական միջոցառումներին դրանց հետ մեկտեղ աղանդավերջ սարքերով եւ յուրօրինակ զարդարանքներով:



Հենց նման նախաձեռնության շրջանակում էլ Նոր Նորք վարչական շրջանի ամանորյա ծառայությունների ձեռքբերումների համար Երեւանի քաղաքապետարանը հատկացրել է 9 մլն դրամ:

Քաղաքապետարանը Երեւան քաղաքի Նոր Նորք վարչական շրջանի «Ամանորյա տոնական ձեռավորում» միջոցառման ծառայությունը ձեռք է բերել «ԼԵՂ ՕՆ» ՍՊԸ-ից: Այս պայմանագիրը պետական գնումներում միակն է «ԼԵՂ ՕՆ» ՍՊԸ-ի հետ:

Պայմանագրի շրջանակներում անհրաժեշտ է իրականացնել տոնական ձեռավորում:

Վարչական շենքի առկա դիմային լուսավորության ստուգում, թերությունների հայտնաբերում եւ վերականգնում, շենքի տանիքի կենտրոնական հատվածում տեղադրել մետաղյա կարկասով թվեր՝ 4 հատ 1,5 մետր բարձրությամբ:

Անհրաժեշտ է ապահովել Գայի արձանի տարածքի լուսավորությունը, որի համար անհրաժեշտ է 120-130 մետաղյա ձյան փաթիլներ՝ ըղգծված երկկողմ լեռ լույսերով:

Անհրաժեշտ է Գայի պողոտայում տեղադրել 1 հատ սահնակով եղիկ: Վարչական շրջանի կողմից տրամադրել մետաղյա գունդ:

Միկոյան-Գալշոյան փողոցների օղակաձեւ տարածքում տեղադրել տոնածառ՝ ձեռավորված լեռ լույսերով: Գայի պողոտա-Թեոսյան փողոց-Բաղալ Մուրադյան խաչմերուկը ձեռավորել եւ տեղադրել տոնական դեկորներ:

Վարչական շրջանի կողմից տրամադրված 11 հատ եղեմիների վերանորոգում եւ տեղադրում: Դավիթ Բեկ փողոցի երկայնքով ծառերը խիտ լուսավորել, 100-110 ծառ՝ ձեռավորել լեռ լույսերով:

Նախատեսվում է՝ Նոր Նորքի 8-րդ զանգվածի արծվի հուշարձանի տարածքի ձեռավորումը: 3-րդ եւ 4-րդ զանգվածների միջակայքում գտնվող տարածք անհրաժեշտ է ձեռավորել: 4-րդ եւ 5-րդ զանգվածները կապող կամուրջը երկու կողմից լույսերով ձեռավորել:

Հիշեցնենք, որ «Ժողովուրդ» օրաթերթը գրել էր, որ 7 մլն ծախսվել էր Էրեբունի վարչական շրջանի ամանորյա զարդարանքների համար, 15 մլն՝ Արաբկիրի վարչական շրջանի ամանորյա զարդարանքների համար, 8 մլն դրամ՝ Շենգավիթի ամանորյա զարդարանքների համար:

ԷՄՍՍ ՄԻՔԱՅԵՆՅԱՆ

ՄԱՐԶԱԿԱՆ

ԾԱՌՈՒԿՅԱՆԻ ՀԵՏ ՄԵՆԱՄԱՐՏԸ ԱՄԵՆԱԳԺՎԱՐՆԵՐԻՑ ՄԵԿՆ ԷՐ

UFC-ի թեթեւ քաշային կարգում գործող չեմպիոն Իսլամ Մախաջեւը խոստովանել է, որ կարիերայի ամենածանր մենամարտը եղել է ավստրալացի Ալեքսանդր Վոլկանովսկիի դեմ առաջին հանդիպումը:

«Ծառուկյանի հետ մենամարտը ամենադժվարներից մեկն էր, սակայն դա ամենածանրը չէր: 5 ռաունդ Վոլկանովսկու հետ. դա խենթություն էր: Զարկերակս հասնում էր 200-ի», - ռուսաստանցի մարտիկի խոսքերը մեջբերում է ESPN-ը:

Հիշեցնենք, որ հունվարի 18-ին Մախաջեւը տիտղոսի պաշտպանության մենամարտ է անցկացնելու թեթեւ քաշային կարգի դասակարգման աղյուսակի առաջատար Արման Ծառուկյանի հետ:

2019 թվականին հայ մարտիկը UFC-ում նորամուտը նշել էր Մախաջեւի դեմ մենամարտով եւ պարտվել մրցավարների որոշմամբ:

ՖԻՖԱ-Ն ԹԱՐՄԱՅՐԵԼ Է ՀԱՎԱՔԱԿԱՆՆԵՐԻ ԳԱՄԱԿԱՐԳՄԱՆ ԱԳՅՈՒՄԱԿԸ. ՀԱՅԱՍՏԱՆԸ ԿՐԿԻՆ ԵՆԱՆՁԵԼ Է

Այսօր՝ դեկտեմբերի 19-ին ՖԻՖԱ-ն հրապարակել է ազգային հավաքականների դասակարգման վարկանիշային թարմացված աղյուսակը: Հայաստանի ազգային հավաքականն առաջինը է եւ մեկ հորիզոնականով եւ այժմ զբաղեցնում է 100-րդ տեղը: Այս մասին հայտնում է ՖԻՖԱ-ի պաշտոնական կայքը:

Արգենտինայի ընտրանին պահպանել է առաջատարի դիրքը: Իրենց տեղերը պահպանել են նաեւ առաջատար տասնյակի բոլոր մյուս ազգային ընտրանիները:

1. Արգենտինա
2. Ֆրանսիա
3. Իսպանիա
4. Անգլիա
5. Բրազիլիա
6. Բելգիա
7. Նիդերլանդներ
8. Պորտուգալիա
9. Կոլումբիա
10. Իտալիա
100. Հայաստան:

ՄԻՋՈՑԱՌՈՒՄՆԵՐ

ՈՒՍՈՒՑԻՉՆԵՐԻ ԿԱՄԱՎՈՐ ԱՏԵՍՏԱՎՈՐՄԱՆ ԱՅՍ ՏԱՐՎԱ ԱՐԳՅՈՒՆՔՆԵՐԸ

Ամփոփվել են ուսուցիչների կամավոր ատեստավորման 2024 թվականի արդյունքները՝ ներառյալ նաեւ բողոքարկումից հետո կատարված փոփոխությունները:

Ուսուցիչների կամավոր ատեստավորման գործընթացն այս տարի առաջին անգամ կազմակերպվել է էլեկտրոնային ձեռնարկով, որին մասնակցության համար դիմել է 6260 ուսուցիչ, որոնցից 572-ը՝ որպես չափաստող անձ:

Հայտագրվածներից ատեստավորմանը մասնակցել են 4982-ը, որոնք ցուցաբերել են հետեւյալ արդյունքները՝

60-69% արդյունք ցուցաբերել է 1073-ը. նրանք ունենալու են միայն դրույքաչափի փոփոխություն /200 հազար դրամ՝ 1 դրույք զբաղվածության համար/

70-79% արդյունք են ցուցաբերել 1158-ը (հավելավճարը կտրվի մասկավարժական աշխատավարձի 30 տոկոսի չափով),

80-89% արդյունք է ցուցաբերել 989-ը (հավելավճարը կտրվի մասկավարժական աշխատավարձի 40 տոկոսի չափով),

90-100% արդյունք է ցուցաբերել 600-ը (հավելավճարը կտրվի մասկավարժական աշխատավարձի 50 տոկոսի չափով),

0-59 տոկոս արդյունք է ցուցաբերել 1162-ը:

Գործող ուսուցիչներից 2024 թվականին կամավոր ատեստավորման առաջին անգամ մասնակցել են 2825-ը, այս պահին չափաստող եւ առաջին անգամ մասնակցած անձանցից գործընթացին առաջին անգամ մասնակցել են 272-ը: 60 տոկոսի շեմն առաջին անգամ մասնակցածներից հաղթահարել են 2250-ը, նախորդ տարիների համեմատ արդյունքը բարելավել են 1248-ը: 538 ուսուցիչ գրանցած արդյունքները չեն փոխվել: Բարձրագույն կրթություն չունեցող անձանցից 124-ը մասնակցել է կամավոր ատեստավորմանը եւ արդյունքում հաղթահարել է անցողիկ շեմը:

Բողոքարկումից առաջ արձանագրված էր հետեւյալ պատկերը՝ 0-59 % արդյունք էր ցուցաբերել 1350 ուսուցիչ/անձ, 60-69 %՝ 1127-ը, 70-79 %՝ 1074-ը, 80-89 %՝ 918-ը, 90-100 %՝ 529-ը:

ՀՀ ԿԳՄՍՆ Հասարակայնության հետ կապերի եւ տղեկատվության վարչություն

ՍՈՒՐԲ ԾՆԵԳՅԱՆ ՏՈՆԱՎԱՃԱՍ

Հայաստանը Վիեննայում առանձին տարվարով շարունակում է մասնակցել Շախտելբերգի Սուրբ Ծննդյան տոնավաճառին: Եվս մի քանի օր՝ մինչեւ դեկտեմբերի 23-ը, հայկական տաղավարում կցուցադրվի շուրջ 70 վարպետի ձեռագործ աշխատանք՝ փայտարվեստի, ասեղնա-

գործության, թաղիքագործության, խեցեգործության, տիկնիկագործության, մետաղագործության նմուշներ, ամանորյա խաղալիքներ, հուշանվերներ:

Հայկական տաղավարն առանձնահատուկ է իր բազմազան նմուշներով, եւ արժանանում է բազմաթիվ այցելուների ուշադրությանն ու հիացմունքին:

Այս տարվա Շախտելբերգի տոնավաճառն ունի բնապահպանական շեշտադրում, եւ հայկական տաղավարը եւս հավատարիմ է մնացել դրան՝ ներկայացնելով վերամշակված թղթից ափսեներ, որոնք արտադրվում են ինժեներներով:

Ծրագիրն իրականացնում է ՀՀ կրթության, գիտության, մշակույթի եւ սպորտի նախարարությունը՝ Երեւանի քաղաքապետարանի հետ համատեղ, ՀՀ արտաքին գործերի նախարարության աջակցությամբ, «Մշակույթի զարգացման» հիմնադրամի, Ժողովրդական արվեստների թանկարանի եւ «Ֆաստեքս» ընկերության եւ հետ համագործակցությամբ:

Ավստրիայի մայրաքաղաք Վիեննայում Շախտելբերգի Սուրբ Ծննդյան տոնավաճառն իրականացվում է դեռեւս 1970-ականներից: Այն Վիեննայի ամենահայտնի Սուրբ Ծննդյան տոնավաճառներից է, որն ամեն տարի գրավում է հազարավոր այցելուների: Տոնավաճառը տեղի է ունենում Վիեննայի պատմական Շախտելբերգ թաղամասի Շախտելբերգաւսե, Գուտենբերգաւսե եւ Շրանկաւսե հեռիոտնային փողոցներում, որոնք առանձնանում են իրենց ճարտարապետությամբ:

● Դեկտեմբերի 21-ին՝ ժամը 19:00-ին, Երեւանի պետական կամերային թատրոնում կցուցադրվի «Հորեյանական հաճախորդ» ներկայացումը: Տոմսերի արժեքը՝ 3.000-8.000 դրամ:



**ԿԱՐԳ**

**ՀԱՐՑ. Որո՞նք են դեռևս անհաստատ համայնքների սեփականությունը դասկանող հողերի անհասույց (մեծական) օգտագործման սրամադրման կարգերը:**  
Սարգիս Իգիթյան (37 տարեկան)



**ՊԱՏԱՍԽԱՆ.** Պետության և համայնքների սեփականությանը պատկանող հողերն առանց մրցույթի, անհատույց (մշտական) օգտագործման են տրամադրվում՝

- պետական կամ համայնքային հիմնարկներին ու կազմակերպություններին,
- բարեգործական, հասարակական կազմակերպություններին և հիմնադրամներին՝ իրենց գործունեության ընթացքում ձեռնարկատիրության հետ չկապված գործունեություն իրականացնելու համար,
- Հայաստանյայց Առաքելական Սուրբ Եկեղեցուն (Մայր Աթոռ Սուրբ Էջմիածին),
- «Պետություն-մասնավոր գործընկերության մասին» Հայաստանի Հանրապետության օրենքով նախատեսված ՊՄԳ ծրագրի շրջանակներում՝ մասնավոր գործընկերոջը:

**ՀՀ շրջակա միջավայրի նախարարություն**

**«ԺՈՂՈՎՈՒՐԳ».** Օրենքով և այլ նորմատիվ իրավական ակտերով նախատեսված դեպքերում համայնքների վարչական սահմաններում գտնվող պետության և համայնքների սեփականությանը պատկանող հողերը մշտական օգտագործման է տրամադրում համայնքի ղեկավարը՝ լիազորված պետական մարմնի գրավոր հայտի հիման վրա՝ հայտն ստանալու պահից՝ 15 աշխատանքային օրվա ընթացքում:

**ԻՐԱՎՈՒՆՔ**

**ՀԱՐՑ. Ե՞րբ կարող է վերականգնվել ծնողական իրավունքները:**  
Իրինա Սաղաթյան (28 տարեկան)



**ՊԱՏԱՍԽԱՆ.** Ծնողական իրավունքները կարող են վերականգնվել, եթե ծնողները կամ նրանցից մեկը փոխել են իրենց վարքագիծը, կենսաձեռք և (կամ) երեխայի դաստիարակության նկատմամբ վերաբերմունքը:

Ի Ծնողական իրավունքները վերականգնվում են դատական կարգով՝ ծնողական իրավունքներից զրկված ծնողի դիմումի հիման վրա: Ծնողական իրավունքների վերականգնման մասին գործերը քննվում են խնամակալության և հոգաբարձության մարմնի պարտադիր մասնակցությամբ:

Ի Ծնողական իրավունքների վերականգնման մասին դիմումի հետ միաժամանակ կարող է քննության առնվել նաև երեխային ծնողներին կամ նրանցից մեկին վերադարձնելու մասին պահանջը:

Ի Երեխայի նկատմամբ ծնողական իրավունքների վերականգնումը կատարվում է՝ հաշվի առնելով նրա կարծիքը: Դատարանը, հաշվի առնելով երեխայի կարծիքը, իրավունք ունի մերժելու ծնողական իրավունքների վերականգնման հայցը, եթե ծնողական իրավունքների վերականգնումը հակասում է երեխայի շահերին:


**ՀՀ աշխատանքի և սոցիալական հարցերի նախարարություն**

**«ԺՈՂՈՎՈՒՐԳ».** Ծնողական իրավունքների վերականգնում չի թույլատրվում, եթե երեխան որդեգրված է, և որդեգրումը սահմանված կարգով չի վերացվել:

Էջը՝ ԱԼԿԱՐԴ ԿՈՇԿԱԿԱՐՅԱՆԻ

**ԼՈՒՐ ԿԱՐԴ**

Լուսանկարը՝ համացանցից



Ֆուտբոլի Կոնֆեդերացիաների լիգայի փլեյ-օֆֆի մասնակից թիմերը հայտնի են: Լիգայի փուլում 1-8-րդ տեղերը զբաղեցրած թիմերը՝ «Չելսի»-ն, «Վիտորիա»-ն, «Ֆիորենտինա»-ն, «Ռապիդ»-ը, «Լուգանո»-ն, «Յուրգարդեն»-ն, «Լեգիա»-ն և «Սերկլ Բյուլդե»-ն, սկսել են փլեյ-օֆֆի ուղեգիր:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայկուստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդադարառնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային ես/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	-5 - 9 -1 + 2	Արարատ	0 - 4 +6 + 8
Կոտայքի լեռներ	-6 - 8 -1 + 1	Արմավիր	-1 - 5 +5 + 7
Կոտայքի նախալեռներ	-3 - 5 +3 + 5	Վայոց ձորի լեռներ	-6 - 10 0 - 2
Գեղարքունիք	-7 - 11 -2 + 1	Վայոց ձորի նախալեռներ	-1 + 2 +12 + 14
Լոռի	-4 - 8 +1 + 4	Սյունիքի հովիտներ	0 + 3 + 8 + 10
Տավուշ	0 - 4 +3 + 6	Սյունիքի նախալեռներ	-4 - 8 -1 + 4
Արագածոտնի լեռներ	-6 - 9 0 - 2	ԼՂՀ	-3 - 7 0 + 6
Արագածոտնի նախալեռներ	-1 - 4 +4 + 7	Երեւան	0 - 2 +2 + 4

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 20.12.2024  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: